

# KU RHULA



"Loko ngi na wena u ti tivile hi siku leri ra wena, etimhaka leti ta ku rhula ka wena!" (Luka 19:42).

Loko ho rhalarhala lomu matlhelo ku vona swilo leswi humeelaka emisaveni namutlha, swo vonaka xikanwe leswaku a ku na ku rhula emisaveni. Kunwana ni kunwana ku twakala ta rivengo, ni ku lwa, ni ku dlaya, ni tinyimpi, ni mpfumawulo wa tinyimpi. Hambu u pfula newspaper rihhi na rihhi, u ta kuma swilo swo biha leswi va swi endlaka exikarhi ka vona hikwalaho ka vudyoho, ni rivengo, ni vukwele. Vavanuna lavakulukumba lava tameleke misava, va ringetile hi malembe lamo tala leswaku ku rhula ku va kona emisaveni, kambe a ku si va ni unwe wa vona la humeleleke eku ringeteni ka vona. Na swona a hi misava ntsena leyi nge nhlomulweni lowu, kambe swa vavisa ku vula leswaku hambu yi ri miti leyo tala ya hina, yi hava ku rhula exikarhi ka yona. Kambe lexi vavisaka ngopfu hi tlurisa: i vunyingi bya vanhu emisaveni, lebyi nga riki ni ku rhula etimbiwini. Kutani hi laha timhaka hinkwato leto biha ti sukelaka kona.

## **HA YINI KU NGA RI NA RHULA XANA?**

Ekusunguleni, Xikwembu xi tumbuluxil misava, na byona byanyi, ni swiluva, ni mirhi, ni swihari hinkwaswo leswi hanyaka hansi ka mati, leswi hanyaka henhla ka misava leyi omeke. Kutani Xikwembu xi tlhela xi vumba Adam na Eva, kambe ehenhla ka hinkwaswo leswi tumbuluxiweke, ku rhula a ku ri kona. Adam na Eva a va nga chavi swiharhi, na swona swiharhi a swi tihanyela hi ku rhula ni ku tsaka. E nyimpfu a yi tifambela kusuhi ni nghala, kutani nghala yi nga endli nchumu. Kambe ehenhla ka hinkwaswo leswo, ku rhula a ku ri kona exikarhi ka munhu ni Xikwembu, kutani Xikwembu a xi tolovele ku a xikelele ntangeni hi mikarhi ya madyambu, xi fambafamba kona, ni ku vulavula na Adam na Eva. A ku nga ri na ku chava etimbilwini, kambe a va swi tsakela ni ku swi navela loko va vona Xikwembu xi ta entangeni eku ta va ni xinakulobye kun'we na vona. Kambe Satana loyi a nga nala wa ku rhula a nghena enyokeni eku ringa Adam na Eva leswaku va dyoha, hikuva laha vudyoho byi nga kona a ku na ku rhula. Kutani Satana loyi a nga tata wa mavunhwa, a va byela leswaku va nga ka va nga fi, hambu loko va nga tluha ku lerisa ka Xikwembu. Kutani va kha mihandzu ya murhi lowu va nga lerisiwa hi Xikwembu leswaku va nga tshuki va yi dya. Kukotisa leswi vanhu lavo tala, hambu ku ri namuntlha va yingisaka rito ra Diabol os, sweswo, na yena Adam na Eva va ringiwile hi yena, kutani hi ku endla koloku va dyoherile Xikwembu. Kutani kusukela sweswo, eku rhula loku ingi a va ri na ko, ku va sukerile – ku rhula hinkwako, ni ku saseka hinkwako loku e ku tumbuluxiwile hi Xikwembu a ku herisiwile hi mhaka yi ri yinwe ya vudyoho, kutani ku chava ku nghena embilwini ya Adam na Eva.

Kambe kaku loko Xikwembu xi ta eku vulavula na vona hi madyambu wolawo hi ntolovelo wa xona, va tifihla hikuva a va chava ku vonana ni mombo wa Xikwembu. “Ku dyoha ku ngenile misaveni hi munhu a ri unwe,” hambu a ri hina lava hi hanyaka namuntlha “hinkwerhu hi dyohile, kutani a hi faneriwi hi ku kwetsima ka Xikwembu.” (Rom 5:12; 3:23). Kambe hi ntolovelo xidyoho xinwe xi tswala xin'wana: kutani namuntlha ku kumeka leswaku misava hinkwayo ya vabya hi vudyoho, hikwalaho, ku rhula a ku fumi misava levi.

## **XIKWEMBU XI RHANDZILE KU TLHERISELA KU RHULA EMISAVENI.**

Kutani Xikwembu xi languta hansi xi ri henhla tilweni, xi vona rivengo hinkwaro, ni ku chava, ni vudyoho, ni nhlomulo, kutani hi rirhandzu ra xona xi rhumela n'wana wa xona la nga tswariwa a le swakwe, a ta velekiwa exihlalweni. Kutani lembe rinwana, hi nkarhi wa Khisimusi, ni rinwana hi tsundzuxiwa marito ya ntsami loko yi ku: “mi nga chavi, vonani, ndza mi byela ku tsaka lokukulu, loku nga ta va eka tiko hinkwaro. Hi leswaku namuntlha mi velekeriwile Mulondzovoti emutini wa Davida, i Kriste Hosi. Kutani hi nomu lowu, vunyingi bya mavandla ya le henhla byi va ni ntsami, byi vonga Xikwembu, byi ku: Ku kwetsima ku ve ka Xikwembu ematilweni ya le henhla, ku tsaka ku ve misaveni ka vanhu lava nkensiwaka.” (Luka 2:10-14). Yesu o rhumiwile misaveni leyi “eku voninga lavatshameke munyamani ne ndzhutini wa rifu, ni ku fambisa mokondzo ya hina endleleni ya ku tsaka.” (Luka 1:79). Buku ya Va-Efesa 2:14 na yona ya hi byela leswaku “hi yena ku rhula ka hina.” Xikwembu xi rhumerile Hosi ya tihosi eku ta misaveni leyi; kambe loko ngi vanhu

va mikarhi yoleyo va amukerile Hosi ya tihosi, ingi va hanyile kambe hi ku twanana.

### **XANA VANHU VA ENDLILE YINI HI KU RHULA KOLOKU XANA?**

Kambe Va-Yuda ni vamatiko, ni vanhu va mikarhi yoleyo va tihlawulele ku ala ku yingisa Xikwembu, va landza ku lerisa ka Satana, kukutisa leswi endlilweke hi Adam na Eva. Va tshikile Hosi ya tihosi, kutani kaku loko Pilato a vekile Yesu na Barabas emahlweni ka vona, va huwelela va ku: "Susa loyi! u hi ntshunxela Barabas!" Kutani hi marito man'wana a va vula leswaku "susa Hosi ya ku Rhula, u hi nyika rivengo, ni tinyimpi, ni ku dlayana, ni vudyoho." Vanhu lava a va ntshunxekile, kutani ingi va swi kotile ku tihlawulele handle ka ku sindzisiwa, kambe hambi swi ri tano, va hlawurile Barabas. Masiku lawa hi hanyaka ka wona ma ha fana ni masiku ye mikarhini yoleyo. Xikwembu xi hi nyikile ku tihlawulele Yesu, leswaku a va Muponisi, ni Hosi ya hina, kutani yena o ta nghanisa ku rhula evutonwini bya hina, kutani o ri: "Ndza mi siyela ku rhula, ndza mi nyika ku rhula ka mina, a ndzi mi nyiki hi laha misava yi nyikaka ha kona." (Yohane 14:27). Kutani swidyoho leswi nge vuton'wini bya hina swi hi hambanyisile ni Xikwembu, kutani eku biheni koloku, a hi na ku rhula etimbilwini ta hina, kambe Yesu o yimile ni mavoko lama tiharamuxiweke eku hi amukela, a hi ttherisela etshangeni, ni ku hi hlantswa hi ngati leyo hlawuleka ya yena, a va a hi nyika matimba ya ku vuriwa vana va Xikwembu, ni ku hi nyika ku rhula.

Ebukwini ya Va-Roma 5:1, hi byeriwa leswaku, "leswi hi nga hlayiwa lava lulameke hi ku pfumela, hi ni ku rhula ka Xikwembu ha Yesu Kriste, Hosi ya hina." A ku na nchumu lexi nga hi nyikaka ku rhula emisaveni leyi E mali, rifuwo, ni ku twala swi nga ka swi nga hi nyiki ku rhula; ku nwa ku nga ka ku nga humesi ku rhula, hambi loko hi nga tsariwa mavito ya hina ekerekeni, kambe leswo swi nge hi tiseri ku rhula. Kambe ku ni ndlela yin'we ntsena leyi nga hi tiselaka ku rhula emimoyeni, kutani ndlela ya kona i ku ta eka Hosi Yesu, hi tivula swidyoho swa hina mahlweni ka yena, hi hundzuka, "hikuva wa tshembaka, o lumile ku hi rivalela swidyoho, ni ku hi hlantswa ku homboloka hinkwako." Kambe ku rhula loku Yesu a hi nyikaka kona, i ku rhula loku tlurisaka ku twisisa hinkwako. (Filipia 4:7). Ku nga ka ku nga hlamuseriwi hi munhu, kambe hi nga va na kona etimbilwini ta hina loko hi fularhela misava ni swilo leswi nge ka yona, ni loko hi fularhela swidyoho kun'we ni vanghana lavo biha, kambe hi hundzukela eka Hosi Yesu Kriste, hi tirhela yena ntsena. Swi nga endleka leswaku hi hanya handle ka ku rhula, kambe a hi rhandzi ku fa hi nga kumanga ku rhula, "hikuva ku fuma ka Xikwembu a hi ku dya ni ku nwa, kambe i ku lulama ni ku rhula." (Rom. 14:17). Hikwalaho loko hi fa kambe hi nga kumanga ku rhula etimbilwini ta hina, hi nga ka hi nga amukeriwi etilweni ra xona ra ku rhula. Kambe loko hi fa hi nga si amukela Hosi ya ku rhula etimbilwini ta hina, hi fele evudyohweni, kutani a ku na ndzhawu yin'wana laha hi nga ta ya kona, loko ku nga ri xivandleni xa ndzilo lowu nga heriki wa tihele. U nga ka u nga tsakeli ku fa u ri tani hi leswi u nga hi swona, hikuva u nga lahleleka makumu; kambe rito ra Xikwembu ri hi byela leswaku "musi wa ku xaniseka ka wena wu ta tlahndluka hi laha ku nga heriki." Lomu mudyohi a yaka kona hi le tiheleni leti nga heriki, kambe hinkwerhu hi dyohile, a ku na la lulameke, hambi a ri un'we." Kambe loko u lava ku ya tilweni,

ku ni xilo xin'we lexi u fanelaka ku xi endla: xolexo i ku lulamisa mhaka ya wena kun'we ni Xikwembu, kutani u tshika ku rhula ka xona ku nghena mbilwini ya wena, sweswo "ku rhula ka Xikwembu a ku fume mbilwini ya wena." (Va-Kolosa 3:15).

Hi nkarhi wa Khisimusi hi tsundzuxiwa ta ku ta ka Yesu emisaveni, a tisa ku rhula. Kasi hi Good Friday, hi tsundzuxiwa ra loko a tshikiwa hi vanhu, kutani wa n'wi vamba. Nakulorhi, xana na wena u ta va un'wana wa lava nga tshika Hosi, kumbe u ta n'wi pfulela vutomi bya wena, u n'wi tshika a nghena xana? I ndlela yin'we ntsena leyi a nga kumaka ha yona eku rhula ka Xikwembu embilwini ya wena, kutani ndlela yoleyo i ku nkhisama, u tivula leswaku u mudyohi, u nwi kombela leswaku a ku basisa, ni ku u hlantswa hi ngati leyo hlawuleka ya yena, a va a ku endla n'wana wa yena; hikuva loko u tivona ku ku lulama ka wena, u pfumala ku ponisiwa; kambe hambi loko u bihile ku tlurisa, kambe yena o lava ku ku amukela, kutani a nga rhandzi ku cukumeta ni un'we. Loko u nga si kuma ku rhula ka Xikwembu emoyeni wa wena: sweswi-ke, a nga ku amukela, kutani u ta kuma ku tsaka loku nga vulekiki, loku teleke hi ku kwetsima.

Exikarhi ka nhlengeletano ya Evangelii kun'wana, mukhalabya un'wana a suka a yima a ku: "Ndzi hanyile exikarhi ka mifumo ya tihosi ta mune. Eku fumeni ka hosi yo sungula, a hi ri tinyimpini mikarhi hinkwayo, a wu ri nkarhi lowo biha. Eku fumeni ka hosi ya vumbirhi, ku wile ndlala leyikulu, kutani a hi tidyela makondlo, ni byanyi, ni tihunyi. Eka leya vunharhu, valala va hina va hi hlula, kutani hi hundzuka malandza ya vona, kambe hambi swi ri tano, enkarhini wa hosi leyi ya vunharhu, hi endzeriwile hi Hosi yin'wana, a yi ri Hosi leyikulu, leyo lulama, leyi nga ni ku rhula, Hosi ya rirhandzu – i Yesu, Hosi ya le tilweni! Sweswi o hlurile, o hlurile timbilu ta hina, hikwalaho hi hanya eku rhuleni, hi taleriwile hi kona, kutani sweswi ku nga ri khale, hi langutela ku ya hanya kun'we na yena etilweni."

Nakulorhi, nyiketa vutomi bya wena eka Yesu. Sweswi wa nga tlhela endleleni ya wena leyi ku yisaka tiheleni, hundzuka, u tirhela Hosi ya tihosi, ni Mufumi wa vafumi. Kunene vanakuloni lavo tala va wena va ta fularhela, kambe tsundzuka leswi vuriweke i Yesu, loko a ku: "Vonani, ndzi na n'wina hi masiku, ku ko ku hela misava." Xo hetelela, hi leswaku, "ku rhula ka Xikwembu a ku fume timbilwini ta n'wina." (Va-Kolosa 3:15).

---

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)